

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), na prijedlog ministrice Ministarstva za rad, socijalnu politiku i izbjeglice, Vlada Zeničko-dobojskog kantona, na 75. sjednici, održanoj dana 25.09.2020. godine, d o n o s i

ZAKLJUČAK

I.

Daje se saglasnost na Program obilježavanja „Dječije nedjelje“ u Zeničko-dobojskom kantonu za 2020. godinu.

II.

Zadužuju se Ministarstvo za rad, socijalnu politiku i izbjeglice, kao pokrovitelj aktivnosti i Udruženje „Medica“ Zenica, kao nosioc aktivnosti, da u skladu sa zakonom i podzakonskim aktima, realizuju aktivnosti iz Programa iz tačke I. ovog zaključka, svako u okviru svojih nadležnosti.

III.

Zaključak stupa na snagu danom donošenja.

PREMIJER

Mirza Ganić

Broj: 02-_____/20

Datum, 25.09.2020. godine

Zenica

DOSTAVLJENO:

1x Ministarstvo za rad, socijalnu politiku i izbjeglice,

1x Udruženje „Medica“ Zenica, putem Ministarstva,

1x a/a.

Na osnovu člana 135. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 3/15 i 2/16) i **Programa rada Vlade Zeničko-dobojskog kantona za 2020. godinu** i Programa utroška sredstava planiranih Budžetom Zeničko-dobojskog kantona za 2020. godinu u Ministarstvu za rad, socijalnu politiku i izbjeglice, broj: 02-11-1601/20 od 30.01.2020. godine, broj: 02-11-6331/20 od 08.05.2020. godine i broj: 02-11-10814/20 od 26.06.2020. godine, **ministrica** Ministarstva za rad, socijalnu politiku i izbjeglice, **d o n o s i**

PROGRAM

obilježavanja „Dječije nedjelje“

u Zeničko-dobojskom kantonu za 2020. godinu

I. Uvodne napomene

Zakonom o osnovama socijalne zaštite, zaštite civilnih žrtava rata i zaštite porodice sa djecom, član 94. - 96. („Službene novine Federacije BiH“, broj: 36/99, 54/04, 39/06, 14/09 i 45/16) i članom 134. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 3/15 i 2/16) prva sedmica u mjesecu oktobru je određena kao „Dječija nedjelja“ na teritoriji Federacije BiH.

S obzirom da članom 32. Zakona o izvršenju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19) nije utvrđena obaveza za raspisivanje javnog poziva za dodjelu planiranih budžetskih sredstava za obilježavanje „Dječije nedjelje“ u 2020. godini, a uzimajući u obzir ozbiljnost situacije nastale usljed navedene pandemije, rebalansa Budžeta za 2020. godinu i ograničenih budžetskih sredstava, ministrica Ministarstva za rad, socijalnu politiku i izbjeglice (u daljem tekstu: Ministarstvo) se opredjelila da se i ove godine navedena aktivnost provede u partnerstvu sa Udruženjem „Medica“ Zenica ili JU Centar za djecu i odrasle osobe s posebnim potrebama Zeničko-dobojskog kantona koje već imaju iskustvo u realizaciji iste.

S obzirom da JU Centar za djecu i odrasle osobe s posebnim potrebama Zeničko-dobojskog kantona nije iskazala zainteresovanost po ovom pitanju, a da je Programom mjera za prevenciju, zaštitu i borbu protiv nasilja u porodici Zeničko-dobojskog kantona za period juli 2020. – juli 2021. godine, u Strateškom cilju 3. Podizanje svijesti, planirana aktivnost obilježavanja značajnijih datuma vezano za zaštitu ljudskih prava, pa samim tim i mjera obilježavanja „Dječije nedjelje“, Ministarstvo je podržalo prijedlog projekta za obilježavanje „Dječije nedjelje“ u Zeničko-dobojskom kantonu koje je dostavilo Udruženje „Medica“ Zenica.

II. Obilježavanje „Dječije nedjelje“

Na području Zeničko-dobojskog kantona, „Dječija nedjelja“ će se obilježiti organizovanjem i provođenjem planiranih aktivnosti u okviru Projekta „Dječija nedjelja u Zeničko-dobojskom kantonu“.

Vrijeme:	Oktobar - decembar 2020. godine
Nosilac aktivnosti:	Udruženje „Medica“ Zenica
Pokrovitelj:	Ministarstvo
Odobrena sredstva:	5.000,00 KM

III. Završne odredbe

Program obilježavanja „Dječije nedjelje“ u Zeničko-dobojskom kantonu **objavit će se na službenoj web stranici Zeničko-dobojskog kantona (www.zdk.ba)**.